

Tasdawit n Bgayet
Tamezdeyt n Tsekliwin d Tutlayin
Tasga n Tutlayt d Yidles n Tmaziyt

Tamsirt n ulmud : **Amezruy amiran n Lezzayer**

Aseggas wis 2 n turagt (tasnalest)

Amesɣis wis 2

Aselmad : BENCHIKHE Ali

IXEF AMAZWARU LEZZAYER S DDAW UDABU AEUTMANI (ATURKI)

1-ANEKCUM N YISUMANIYEN ΓER LEZZAYER

Tazwart

Tessawed tmurt n Spenyul ad d-tessufey inselmen seg Landalus deg useggas 1492 st, terna teqfer-iten-id armi d swahel n Tmazya. Tessawed tettef kra n temnaḍin seg-sent : Wehren, Tnes, Cercal, Bgayet d Σennaba, s wakka ssutren Yizzayriyen tallelt syur atmaten Barbarus Xayr Ddin d Σarrug, i yellan tteawanen Inselmen i d-iregglen seg tmurt n Spenyul. Atmaten-a qeblen, ssuksen-d kra n temdinin seg yifassen n Yispenyuliyen s tallelt Nat Lqadi.

1.Anekcum n Lezzayer s ddaw lesnaya n Yiutmaniye

Deg useggas 1511 ssawden Yispenyuliyen ad ttfen yiwet n tizirt tamectuht i d-yezgan sdat temdint n Lezzayer, qqen d amihi yef temdint-a. Ispenyuliyen ur sqenxen ara s temnaḍin i ttfen i d-yettwabdern yakan (Bgayet d Wehren...) byan ad ttfen akk tamurt.

Deg useggas 1513 eerden watmaten Barbarus s tallelt n hmed ulqadi, ad d-slellin Bgayet seg unekcam Aspenyuli, maca war agemmuḍ.

Deg useggas 1516 isawel, unebbaḍ n temdint n Lezzayer Salem Tumi, i watmaten Barbarus i wakken ad d-ruhen ad ten-eiwnen mgal Spenyul. Qeblen Ieutmaniye-a dya ruhen, mi uwden yer Lezzayer eerden ad ssuffyen acengu Aspenyuli seg tegzirt n penyun, maca war lfayda.

s wakka xedmen Ispenyuliyen atas n tnemzagin yef swahel n Lezzayer, seg-sent tanemzagt i iga uspenyuli Hivo de Mounkadi deg useggas 1518, yef temdint n Lezzayer, maca tfuk s tirzi-nsen .

Deg useggas 1518, truḥ yiwet n terbaet n Yimussnawen d Ieuqqal seg temdint n Lezzayer seg-sen Agellid n Kuku amussnaw Abu Leebas hmed Ulqadi akked Xayr Ddin yer Istanbul i wakken ad ssutren tallelt syur agellid (Ixalifa) aeutmani Salim 1ru.

Mi uwden, fkan-as tabrat, ideg d-mmeslayen yef tignatin i tettidir tmurt n Lezzayer d wayen i xedmen Yispenyuliyen deg-s. Akken dayen i mmeslayen yef temlilt n watmaten Barbarus , syin yer-s ssutren deg ugellid Aeutmani ad yeḡḡ Xayr Ddin d anebbaeḍ yef Lezzayer. Yeqlbel

ugellid aɛutmani s tewtilt ad tuyaɛ Lezzayer s ddaw laɛnaya n Yiɛutmaniyeɛn, ma d tabaɛt-nni n lɛuqqal qebɛn, s wakka teqqel Lezzayer ddaw udabu aɛutmani, yefka-yasen-d 200 iserdasen akked lemdafaɛ, iɛeyyen Xayr Ddin d anebbaɗ amezwaru s yisem n Beylerbey amezwaru n Lezzayer.

2.Talliyin n udabu aɛutmani di Lezzayer

1.Tallit n Beylerbey 1518-1587

-Tettwassen tallit-a,d s tnezmert, anda i tessawed Lezzayer ad terreɛ akk tinemzagin n tmura n Lurup (Fransa d Spenyul...) yef swahel n Lezzayer seg-sent : tanemzagt n Hivo de Mounkadi 1518 d tnezmert n charlequin 1541.

-Banen-t-d tilisa usammer d umalu n Lezzayer.

-tessawed Lezzayer ad tesɛu tanawt meqqren i iǧehden, tesseyli-d rrehba deg yilel agrakal, tɛmmer timura n Lurup ad xelsent tiwesyin (leyramat) i wakken ad ɛaddin iyerruba-nsent di talwit.

3.Tadbelt

Di tallit n ḥasan Ben Xayr Ddin tebɗa Lezzayer yef ukuz n wayiren (lwilayat).

-Dar Ssultan, aysur-is d tamdint n Lezzayer.

-Baylik usammer, aysur-is d Qsentina.

-Baylik umalu, aysur-is d Mazuna, syin yer-is d Mɛasker syin akin d Wehren

-Tuget n yinebbaɗen llan ḡehden, ssawɗen adabu-nsen yer Tunes d Trablus d nutni i yetteayyinen inebbadɗen n tmura-ya.

-Tuget n yinebbaɗen llan seg ssenf n Ruyyas (iselwayen) n yilel, yessebdad-iten ugellid aɛtmani, d aya i yeggan assayen cudden mliḡ gar-asen.

-Di tayult n tesredɗ d yidles, sbedden timesgidiwin, gan isenfaren n lxir, ssawɗen aman i yimezday. Aṭas i bnan di temdint n Lezzayer (lḥemmamat, tiyermin iyerbazen...)

-Di tayult n tdamsa, aṭas n tbuyar n tfellaht d yiwersiwen d yedrimen, ttawin-ten-id seg ujmaɛ n laɛcur, d wayen i d-ttawin seg yilel akked lǧizya i ttaken wid ur neṭṭafaren ara lislam.

Deg temguri xeddmɛn lkettan, ibernyas, tiyerbiyin d yiḥuyak. Deg uḥric n tnezzut , znuzun nnaɛma, taɗuṭ, aglim, cmaɛ d lkettan.

-Tallit n Pacawat 1587-1659

Ibeddel udabu s tmentelt n umgired i yeḍran seg tazwara gar Ruyyas n yilel d yancariya (iserdasen n lqaea). Rnu tugdi n umenkud Aeutmani seg tdukkli n Tunes, Trablus d Lezzayer s ddaw yiwen udabu, yef waya tebḍa ayiren-a, yef uqerruy n yal yiwen lpaca, ad yaḥkem 3 iseggasen. Llan leutmaniyeen deg Istanbul ugaden ad tawi Lezzayer timmument fell-asen.

-Tasertit n Pacawat :

Paca cceyyiyeen-t-id seg tiyremt n Istanbul umi qqaren Top Kapi (tawwurt elayen) i wakken ad yaḥkem 3 iseggasen, di tidet, d lbiε i d-ttayeen imukan n udabu, yef waya, lhhun-d d ujmaε n yedrimen, tettun iswi-nsen iyef d-ttwaceyyeen (lmur n uwanek d ugdud d uḥareb yef lislam...) d ancta i d-yeglan s cwalat d tnekriwin.

-Tallit n Ayawat 1659-1671

Di tallit-a ur terkid ara tmurt tṭuqqtent txazabiyin d tmenyiwin mgal inebbadeen. Laya yettaṭṭaf adabu 2 waguren, tuget deg-sen neqqen-ten ney sṭixxiren-ten. Ula d nutni byan ad tawi Lezzayer timmument.

Deg lumur n berra tṭuqqtent zzedmat yef Lezzayer, seg-sent : zzedma n Fransa yef lqala di tefsut 1663 akked tmezagt n 1664 yef ḡiḡel di yulyu, maca war aghemmuḍ.

-Tallit n Dayat 1671-1830

Tallit-a dayen teččur d tnekriwin d txazabiyin, seg tnekriwin ad d-nebder tanekra n Ibn L-Aḥrec 1804 di Qsenṭina s tmentelt n twesyin (leyramat) i yesseeyan agdud. Qqlen lecyux n tememrin mgal leutmaniyen, acku kkesen-asen isefkan d warazen i nnumen.

Tinekriwin-a rrant tadamsa twexxer yer deffir, d aya i yeḡḡan ad d- iban laḥ , beléen wulzuzen (leswaq), yella uyurar, leyla, aṭṭanen di taggara n tasut tis 18, zlazel seg-sen : zlezla i yeḍran di Cercal 1716, d win n Wehren 1790. Deg 1770 tella-d tmezagt n Spenyul yef Lḥerrac maca tfuk s tirzi n Spenyul.

Seg wayen i ieeddan nezmer ad d-nini, di taggara n tasut tis 18 d tazwara n tasut tis 19 tella Lezzayer txelxel di yal tayult. Deg yidles, xas llan waṭas n yiḡerbazen deg waṭas n temdinin am Lezzayer, Qsenṭina d Tlemsan. Rnu yer waya aselmed di tememrin d tmesgidiwin, maca ulac amaynut d ubeddel d usnulfu, am wayen yeḍran di Lurup di tasut tis 18, tagi d tasut n teftilin, ma d tasut tid 19 d tallit n tussniwin yur-sen.

4.Tasertit n Yiutmaniyeen di Tmurt n Leqbayel

Fkan leutmaniye azal meqqren i Tmurt n Leqbayel, ayagi yesεa timental seg-sent :

-Adeg asudes i tesɛa Tmurt n Leqbayel, tesga-d gar Dar Sultan akked Beylik usammer.

-Talalit n tgelda n Kuku deg Tmurt n Leqbayel umalu d Lqelɛa Nat Σebbas, s wakka ɓefren Yiɛutmaniyen akk allalen i wakken ad rren Tamurt n Leqbayel s ddaw ifassen-nsen.

1.Asebded n Yigadiren (lebruḡ)

Sbeden Yiɛutmaniyen igadiren deg imeɗqan i iwulmen, seg-sen Burḡ Sibaw 1720, yebɛed s 3 ikilumitren yef tedmayt. Yebna-t Σli Xuga, yeqqel d aysur n udabu di Tmurt n Leqbayel.

Yella dayen Lberḡ n Buyni i yettwabnan deg 1724, sderment yimezday n Buyni aṭas n tikkal.

Yella dayen Burḡ Mnayel, isem-is n tidett, Burḡ n yimnayan, iswi n usebded-is d aseḥbiber yef yizuɣar n Yisser, si tnezmagin i xeddmɛn leɛrac. Yella dayen Burḡ Tizi uzdu.

Iswan n yigadiren-a, d aselḥu n leswaq d useddu akken i byan Tamurt n Leqbayel.

2.Aslali n Leɛrac n Lmexzen

Leɛrac n Lmexzen d leɛrac i yellan di temnaɗin i tṭfen leutmaniyen, qqɛn ttemɛawanen yid-sen, ma d leɛrac-a si tama-nniɗen ur ttxellisen ara tiwesyin, ttakken-asen leutmaniyen timkeḥlin, d nutni i d-ijemɛen tiwesyin si temnaɗin-niɗen, teddu d Yiɛutmaniyen i wakken ad d-sersen, talwit seg-sen : Σemrawa d Nezliwa leɛrc-a aneggaru ur yeqqim ara dima yer tama n Yiɛutmaniyen, tikwal ttnekkaren-d mgal ineggura-ya.

3.Tinenzagin tiserdasin

Yella wanda i ssemrasen leutmaniyen iyil d lḡehd i wakken ad awɓen yer yiswan-nsen, amedya : tṭrad i yeɗran gar Xayr Ddin d ḥmed Ulqadi deg yiseggasen 1520 d 1525.

Tella dagyen tnezmagt n Bey n Tiṭṭri Muḥamed Ben Σli 1754, tegla-d s tmenyiwt n waṭas n leqbayel, yerbeḥ sdat n Draε Lmizan, At Dwala, At Wasif, Wagnun, maca asmi i yexdem tṭrad mgal At Yiraten, yeɗra yiwen imenyi qessihen s ddaw udrar Nat Yiraten, ifuk s tmenyiwt n Bey d kra n yiserdasen-is.

Tamawt :

Ilaq ad d-nini, belli leɛrac Nat Yiraten d temnaɗt elayen n ḡerḡer werḡin wwiɗen yur-s leutmaniyen, tṭfen di timmunt-nen, llan ur ttxellisen ara tiwesyin anagar ma ffyen-d si temnaɗt-nen yer Lezzayer ney yer temnaɗin-niɗen.

4.Leswaq

Leswaq d imkan n tnezzut d yinejmuɛn n ddurt, ttebbaddalen deg-sen leɛrac d tudrar isallen, ferrun dayen timsal, yella wanda i d-sawalen deg-sen yer tnekriwin.

S wakka xedmen leutmaniyen akk ayen umi zemren, i wakken ad tṭfen leswaq-a, ad ten-sseḥun i wakken ad ɓeyren leɛrac ur nettxellis ara tiwesyin.

5.Nnesba

Smersen leutmaniyen ula d nnesba i wakken ad awḍen yer yiswan-nsen isertiyen, amedya yef waya, deg useggas 1561 ḥasan Ben Xayr Ddin yessuter afus n yelli-s ugellid n Kuku, aneggaru-ya yeqbel, s wakka yuy-itt. Byan ad ḍemnen talwit di Tmurt n Leqbayel, rnu yer waya, i wakken ad tteddin yer Beylik Usammer war uguren seg leerc n tmurt-a.

5. Addud n leqbayel

-Deg useggas 1520, seg mi yerbeḥ ḥmed Ulqaḍi mgal Xayr Ddin, aneggaru-ya yerwel yer ḡiḡel, ma d ḥmed yekcem yer temdint n Lezzayer, yettef-itt azal n 5 iseggasen.

- Deg useggas 1541 yemsefham ugellid n Kuku akked charlequin (charle wis semmus) i wakken ad ttfen tamdint n Lezzayer, maca ur ssawden ara.

-Tanekra n leerc n Flisa :

Asmi yebya Muḥamed Ben Σli ad yettef timnaḍin n ḡerḡer, msefhamen leerc n swahel gar- asen, ḡḡan tuḥsifin i yellan gar-asen, xedmen tagrawla deg useggas 1752, ttekin AT Jennad akked Flisa Umlil s Imendad n Lḥag Zaemum, i wakken ad sḥbsen Lbey. Ur byin ara tasertit- is taserdasit i ibedden yef leḥqer, ladya ma nezra belli Leqbayel ttwassnen s tlelli d tugdudt ur qeblen ara lḡur. S wakka kkren kra n yimeniyen, rran Lbey yer deffir, yer tama n Tmizar, ssin yer-s zzin-as-d, di taggara srewlent.

-Tanekra n Flisa tis 2 1767 :

Tettef akk Tamurt n Leqbayel, anda i nyan azal n 300 n Yiutmaniyen, wigi uyalen zedmen seg umalu, man tanemzagt-nniḍen seg unzul, tayed seg Qsentina.

Yeḍra yiwen imeniyi meqqren, i d-yeglan s tmeniywt n 1200, yessegra-d asnerni n tlisa n leerc yef Mtidja, ssawḍen leerc-a armi ewlen ad qetṭin deg Dey Muḥamed. leutmaniyen ur ssawḍen ara ad sḥbsen tanekra-ya almi tt-ccrun merriyet s lḡehd meqqren.

2. Tagelda n Kuku 1511-1776

Tazwart

Di tazwara n tasut tis 16, llant tgeldiwin n Tferka Ugafa (tagelda Taḥefsit d tgelda Taziyanit d tgelda Tamarinit, ttidirent ussan-n sen ineggura, tamurt n Spenyul tettef atas n temdinin seg-sent : Σennaba, Tnes, Bgayet atg, deg tallit-a i d-tlul Tgelda n Kuku.

1.Imaylayen (tignatin) ideg d-tlul

Ssawden Ispenyuliyen ad d-ssuffyen inselmen si Landalus deg useggas 1492, ssin akin defren-ten-id gher Tferka Ugafa, rnu tḥfen kra n temnaḍin seg-sent : Lmersa Lkbir di Wehren, Cercal d Bgayet, taneggarut-a, deg useggas 1510. Atas n twaculin d yimussnawen i yeḡḡan Bgayet ruḥen yer temnaḍin n daxeḷ seg-sen : ḥmed Ulqaḍi i yellan d anebbaḍ yef Σennaba, yerran yer læerc n ljdud-is At Γubri, taddart Awrir, yesbedd yiwet n tgelda umi semman umæad Tagelda n Kuku deg useggas 1511, i wakken ad iqabel acengu aspenyuli.

2.Amhaz n wassayen gar tagelda n Kuku d Yiḥutmaniyen

Llan wassayen gerzen di tazwara gar ḥmed Ulqaḍi d watmaten Barbarus. deg yiseggasen 1512, 1513 d 1514 yemeawan ḥmed Ulqaḍi d watmaten Barbarus, i yellan di tizirt n ḡirba, ttnayen mgal Spenyul, i d-yetḥafaren inselmen i d-ireglen si Landalus, yemeawan i wakken ad ssuffyen Spenyul si temdint n Bgayet, maca ur ssawden ara, dya deg yiwet imenyi yettwagzem ufus n Σarruḡ.

Deg useggas 1514 meawanen dayen i wakken ad ssuffyen ijinwiyen seg ḡiḡel, anda i ssawden yer lebyi-n sen. Deg useggas 1516 , mi i d-isawel unebbaḍ n temdint n Lezzayer Salem TUMI, watmaten Barbarus i wakken ad t-eiwnen mgal Spenyul, i yetḥfen yiwet n tizirt tamezyant umi qqaren penyun seg useggas 1511, s wakka wigi qeblen εaddan seg yilel, ma d ḥmed Ulqaḍi iεadda d ubrid n lqæa, syin yer-s mlalen di temdint n Lezzayer. Σarḍen ad ssuffyen icenga Ispenyuliyen, maca war agemmuḍ, syin akin atmaten Barbarus tḥfen tamdint-a akked umalu, ma d asammer ffkan-t i ḥmed.

Seg mi rekden watmaten Barbarus di Lezzayer, yella-d umgired gar Σarrug d Salem Tumi, yef tmentelt belli aneggaru-ya yesteg netta d Spenyul s tuffra, yenya-t Σarrug di lḥemmam. Ayagi yessefqæ ḥmed Ulqaḍi, si tedyant-a yebda ubeddel deg wassayen yellan gar sin yidisan.

Deg useggas 1518, yerra-d Σarrug i tiyri n yimezday n Tlemsan, i wakken as nefken tallelt mgal agellid aneggaru n Yiziyyaniyen Abu ḥamu, i yeddand Spenyul. S wakka iruḥ yer Tlemsan akked ḥmed Ulqaḍi, anda i yettwanya Σarrug di Wad Lmaleḥ. Tadyant-a texdem

ccek i Xayr Ddin, Belli hmed yuker taqejjirt yef gma-s, yeğga-t wehd-s armi yetwanya, s wakka xerben wassayen gar-asen.

-Yebgha Xayr Ddin ad yeffey si Lezzayer, seg wakken qqwan imhiten, n daxel d wid n berra, maca imeqqranen n Lezzayer ssutren deg-s ad yeqqim. Yuyal yeqqbel s tewtilt, ad ceyeen yiwet n terbaet yer Istanbul ad ssutren tallelt s yur agellid aeutmani, imeqqranen-a n Lezzayer qeblen, ceyeen yiwen ugraw, deg useggas 1519, seg wid yellan deg-s Abu Leabbas hmed Ben Lqadi, i yellan d amussnaw n tesredt d agellid n Kuku.

-Amussnaw-a, yella yaedel lwaħid Xayr Ddin, maca mi yemmut, yuwal-d deg wadeg-is, mmi-si i yesean isem am baba-s, hmed Ulqadi.

Agellid-a, i d-yuwalen deg umdiq n baba-s, yef wakken i d-yenna Xayr Ddin deg udlis-is « Mudakkirat Xayr Ddin Barbarus », ur yehmil ara Ieutmaniyen, yebya ad ten-yessufey si Lezzayer, yemaawan akked yihefsiyen mgal-is, s wakka luyen gar sin yidisan.

Mi xerben wassayen, hmed Ulqadi yetaxxer seg Uwrir, iruh yer yiwet n temnađt elayen n gerger di Sil Lhemmam, i d-yesgan di leerc Nat Yahya, umi qqaren Kuku, yerra-tt d tamanayt, yefren adeg-a acku tesga-d deg umdiq elayen, yeweer i ucengu ad d-yawed yur-s. Deg useggas 1520, yedra-d ttrad gar hmed Ulqadi d Xayr Ddin deg uzayar n Isser, i d-yesgan deg temnađt umi qqaren tura Bumerdas.

Deg ttrad-a, Ihefsiyen eawnen At Lqadi, ifuk s tirzi n Yieutmaniyen d trewla n Xayr Ddin yer gigel, ma d hmed Ulqadi ikemmel abrid-is yer temdint n Lezzayer, yerra-tt d ayla n tgelda-s. Yehkem hmed Ulqadi tamddint n Lezzayer 5 iseggasen, yef wakken i d-yenna Xayr Ddin deg udlis-is, ilan wid i d-yennan 7, seg-sen Saaid Bulifa.

Deg useggas 1525, yuwal-d Xayr Ddin, seg gigel i wakken ad d-yerr Lezzayer, yaxdem imennuyen send ad yawed yer Isser, send ad yedru imenyi n Isser, yettwanya hmed deg uqidun-is, ma d Xayr Ddin yenna-d belli yettwanya deg yimenyi s uxtuc i d-iwet yiwen seg wid yeddin yid-s. s wakka mi ikemmel imenyi war ayella, yekfa s tirzi n hmed d wid yeddin yid-s, tuyalin-n sen yer tgelda-n sen, ma d Xayr Ddin ikemmel yer Lezzayer teqqel s ddaw udabu-s.

2.Talliyin iyef tædda

-Tallit n ugellid Sidi Lhusin

Mi yettwanya hmed, yuwal-d deg umdiq-is, gma-s Sidi Lhusin. XayrDdin yebya ad d-yerr-ttar, yexdem tanemzagt yef tgelda n Kuku, almi yessawed Sidi Lhusin, ad yessuter leenaya, d leklas n twesyin (leyrama), maca di taggara ur ixelles ara.

Deg useggas 1541, yemsefham ugellid n Kuku, akked umenkud aspenyuli Charlequin, i wakken ad zedmen yef temdint n Lezzayer, maca mi yesla ugellid n Kuku s tirzi n tmemzagt taspenyulit, ibeddel rray yuyal ansi i d-yekka..

Deg useggas 1542, bghan iεutmaniyen ad d-rren ttar, ceyen hasan Aya s 6000 n yiserdasen, zedmen yef tgelda n Kuku. Mi walan At Lqadi amdan meqqren n Yiεutmaniyen, ssutren asaruf (smaḥ), ad xelsen tiwesyin, ad yerhen ugellid mmi-s. Seg wassen-nni, adabu aεutmani icud tamnaḍt n Leqbayel Umalu yer Dar Ssulṭan, syin yer-s tqel tetṭafar Beylik Tiṭṭri.

-Talli n talwit 1548-1598

Seg wasmi i zedmen Iεutmaniyen yef Kuku, ters-d talwit gar sin yidisan, ayagi yettbin-d deg yimediyaten-a d tedyanin-a :

-Deg useggas 1555, temεawan tgalda n Kuku akked Salah Rayes, mi ruhen ad d-slellin Bgayet.

Qqlen wassaghen gerzen asmi yeqbel ugellid n Kuku ad yeffk yelli-s i hasan Ben Xayr Ddin, deg useggas 1561. Teqqel temdint n Lezzayer tettfeḡḡid si Leqbayel.

-Deg useggas 1592, ttekk n Leqbayel deg uḥuddu mgal Lmeyreb Imixfiw i d-izedmen yef Tlemsan.

-Tallit n yir assayen 1598-1618

Deg tallit udabu n Σmer Ulqadi, luyen wassayen gar sin yidisan, agellid-a yenbed (yehkem) s lehqer, lḡur d lbaṭel, iydel-d rrehba drg yimezday (taqsit n lfil). Ma icuk deg yiwen yeyleḍ, ney yessexser, ad t-cudden yer wuzlan ney tigusa, ad t-ḡḡen i yitiḡ ass s lekmal-is. Rnu yer wa ma ad iruḥ yer Wat Jennad, ilaq as-d-awin ayen ara yečč netta d wid iteddun yid-s, akked lfil-is, iyellan yettfeḡḡil tibḥirin n yimezday deg At Yahya.

Yella yecceyyie tibratin i Spenyul gar 1603 d 1610, i wakken ad yemeawan yid-sen ad ṭṭfen Tamdint n Lezzayer, llan čceyyieen-as-d kra n yemrigen d yisefken (lkettan...) i yelli-s.

Deg useggas 1618, yettwanya Σmer Ulqadi, dya tamettut-is terwel yer Tunes, tella s tadist, mi tewweḍ yer dinna tesεa-d aqccic, tsemma-yas hend Ulqadi, qqaren-as dayen Atunsi.

-Talli n Yibuxtucen 1633-1768

Deg useggas 1633, mi yeqqel hend Ulqadi d ilemzi, yesla s twayit is-yedran i baba-s, yebya ad d-yerr ttar, iruḥ-d s tallelt n yiserdasen Itunsiyen, yer At Yahya, send ad awḍen yer tmurt-is, ṭṭfen amḍiq n Bubhir.

Iceyyee i yimezday n At Yahya ad d-asen, fkan-as-d igellilen, iqam yis-sen akken i ilaq, yescečč-iten yesselsasen iselsa yelhan, syin yer-s qqlen. Tikkeltnniđen, iceyyee i yimezday ad d-ruhen, usan-d imeqqrannen n læec-a, dya yenya-ten akk, s wakka i d –yerra ttar. Yuyal iruḥ yer At yubri (Awrir). Di tallit-a ters-d talwit gar-asen d Yiētmaniyn, maca si tama-nniđen, tesruḥ lhiba-s sdat imezday, tneqqes cwit cwit armi i d-yeggra kan yisem-is.

3.Tadamsa

Tella tdamsa n Kuku tḡuḡḡeg, deg tallit n Σmer Ulqađi terked tmurt, ayagi yegla-d s wayen yelhan i tdamsa. Deg tfellaḥt tagelda tesēa yal d ssef n lxeđra d ugummu, azemmur, irden, timzin, tizurin, tibexsisin d tamment, sean lmal, iēawdiwen d ileyman.

Deg temguri, tagelda tesēa lminat n wuzzal, tesēa azref deg At Yanni, afexxar, aglim, cmaε d yedrimen. Ma di tanezzut sean asagen n Uzeffun, znuzun seg-s yer Spenyul.

4.Igen

Tagelda-ya tella tesēa igen, yennerna umḍan n yiserdasen-is si tallit yer tayed. Yemmeslay-d Marmol Carvajal di tasut tis 16, belli teāa 5000 n yiserdsen d 1500 n yimnayan, war ma nettu wid yettlusun am yimezday, maca sean tabyest d yemrigen.

Di tallit n Σmer Ulqađi yennerna umḍan n yigen ugar, ayagi yettbin-d asmi yessuter i ugellid n Spenyul as- d-yesswḡed 100.000n yiserdasen, i wakken ad nnayan mgal Iēutmaniyn.

5.Timental uyelluy n tgelda

-tṭradat i texdem tgelda-ya mgal Iēutmaniyn, Spenyul d Wat Σebbas.

-Cwalat i yellan gar-asen yef udabu 1618.

-Beṭtu i yeđran di twacult Nat Lqađi, gar warraw n ḥend Lqadi, Σli akked gma-s Urxu, amezwaru yeqqim yer baba-s, yexdem ssef n wadda, di gemeā Saridj ma d wis sin yeffey yer Ifnayan yexdem ssef ufella.

- Tamlilt n yemrabden, yssawed Sidi Mensur ad yeslelli lyaci seg tugdi d lḡur n yigelliden n Kuku

-Tanezmert i yesēa udabu aēutmani, d tsertit-is i iga i wakken ad yebdu gar At Lqađi d Wat Σebbas.

IXEF WIS SIN TAMHERSA TAFRANSIST D YIZBA IΓERFANEN

1- Azbu n ugdud Azzayri

Tazwart

Mi tet̄tef Fransa tamdint n Lezzayer, lrumyen ȳilen belli ishel-asen ad kecmen ȳer temnađin-niđen, maca muggren-d azbu qessihen di yal tammnađt.

1.Azbu n Lamir Σabdelqader 1830-1847

Argaz-a ilul di taddart Lqaytana deg umalu n Maasker, yelmed lfiqh, tacerēit, tussnakt, amezruy d trakalt.

Asmi tettwađtef temdint n Lezzayer, ssutren imezday n taddart-is, i baba-s , i wakken ad yuȳal d ageldun fell-asen, maca yegguma, acku meqqr di leēmer, syin ȳer-s iwelleh-iten ȳer mmi-s Σabdelqader, wagi yeqebel.

Fernen-t deg useggas 1832, s ddaw n waddag (t̄tejra, aseklū) n derdan deg wasif Fruȳa di temnađt n Γris, anda i iēuhed Σabdelqader, ad yexdem s leqran, d lȳihad i wudem n Rebbi. Tella-d tefrant (lbayea) tis snat deg useggas1833.

Yefren tamdint n Measker ad tili d tamanayt, yessiley aseqqamu n lemcawra, llan deg-s 11 iēeggalen, ȳef uqerruy-is anezzarfu ħmed Ben Lhacimi, syin akin yebda tud̄sa n uwanek-is.

Yebda tamurt ȳef 8 temnađin, ȳef uqerruy n yal yiwet lخالifa. Timnađin-a d tigi :

Tlemsan, Measker, Melyana, Tiđtri, Međđana, Biskra, Burđ ħamza d temnadt umalu n tniri. Yesweđed-d igen ayelnaw, iga isuđaf, i d-yettwakksen seg tcerēit, yessufey-d aqarid. S yisem-is.

1.1.Talliyin n uzbu n Lamir

-Tallit tamezwarut 1832-1837 :

Tallit-a, tettwassen s lȳehd, yumer leērac i izedȳen ȳer tama n ȳiȳsuren ifransisen deg umalu, ad gezmen assayen idamsanen ȳef yimnekcamen. Idemmer lrumyen ad qqimen di Mestȳnem, Arezyu d Wehren. Yaēred dayen ad ten-yid-slelli, yessemres ayawas aserdasi, i ibedden ȳef trebbaē timezȳanin, anda i d-iȳhella aȳas n trennawin, seg-sent : Xenq-nnitaȳ 1rut d tis 2, Burđ Lein, demrent jiniral De MICHEL ad yezmel aȳan i yersen ȳef yisem-is « aȳan n De Michel » netta d Lamir Σabdelqader deg useggas 1834.Msefhamen deg-s ȳef tneqqiđin-a :

-Ad ieyyen Lamir igensasen-is di temnađin-a : Mestyānem, Wehren d Arzyu.

-Ad tēyyen Fransa igensasen-is di Mēasker.

-Aqader n tesredt tineslemt.

Ambaddel n yinekraf (imeħbas).

Tilelli n tnezzut.

-Tirit n yak wid i d-reglen i tama taxsimt.

Tamawt :

Di tneqqit tamezwarut tukez (testaeref) Fransa s Lamir d uwanek-is.

Γas akken Fransa tezmel ayan i d-nebder, maca ur teṭṭif ara di leahd-is, dya yuḡal-d umennuy, anda i yeđra imenyi n Wad Lmeqtae 1836, yerbeħ deg-s Lamir anda i yezdem yef Trizel, yessawed ad t-yerbeħ syin yeqqel yer Wehren, yeğġa-yas i Fransa aṭas n yimejraħ d Imeytin d yinekraf, Ayagi yegla-d s usṭixxer n Trizel, rran deg umđiq-is Blamursyir, mu yer waya sṭaxren anebbađ amatu Dirlon bedden-t s Kluzel i tikkelt tis snat.

Deg 1836 teṭṭef Fransa Mēasker d Tlemsan, maca yessawed Lamir ad yerbeħ deg yimenyi n Tafna.

Imi ur tessawed ara Fransa ad teṭṭef Qsentina, tettwademmer ad tezmel ayan n De Michel nettat d Lamir ass n 30 Mayu 1837 s Imendad n Jiniral Bugeaut.

Di talwit-a, ifures Lamir tagnit i wakken ad isudes awanek-is d yigen-is. Ula d Fransa tfures talwit-a i wakken ad tesseħbes azbu n Lhağ ħmed Bey, syin yer-s teteadda yef uyan n Tafna, mi tesēdda igen-is deg wakal n Lamir, texdem Fransa yiwen uyawas i wakken ad tessedrem kullec, tessery tuddar deg yidurar n Melyana.

-S wakka yesker Lamir tṭrad mgal Fransa ass n 19/11/1839, yemgugga yef Mēasker syin yer-s Asif Σellaq d Mtiġa nğan akk wid yellan deg-s (108 gar iserdasen d yimeqqranen-nsen).

Aṭas n tallelt i d-wwi Fransa, almi ssawden 78000 n yiserdasen, syin yer-s yeytes Bugeaut ad yesker tṭrad, i wakken ad yessenger izzayriyen i yetṭafaren Lamir.

Gan lħers yef Lamir si yal tama, d aya i t-yeğġan ad yerr yer Marruk deg useggas 1843, maca adabu n tmurt-a Mulay abderrahman, i iēawnen Lamir di tazwara, iwexxer fell-as mi tewwet Fransa yer tmurt-is (Tanġa d Swira) d aya i yeğġan Lamir ad yebēad yef tliṣa tmurt-a 1845, s wakka yennerna lħers d cedda fell-as si yal tama.

Yaered ad yekcem yer Marruk tikelt-nniđen maca ur t-ğġin ara s yiserdasen-nsen, d aya i t-idemmren ad yessuter tmana syur amenzad arumi Lamorsiere, s tewtilt ad yextir ad yinig yer Suriya, maca anekcam Arumi yewwi-t yer tiyremt Ambuza di Fransa anda i teğġan 5

iseggasen, syin yer-s tceyyaε-it yer Suriya, netta d twacult-is d wid i t-iqerben, anda i idder armi d aseggas 1883.

2.Tanekra n Zaatca 1849

Tanekra-ya iheyta-tt-id ccix Buziyan, i yebyan ad yexdem lġihad i wakken ad kksen ddel d leħqer.Di tallit-a Fransa teġeal dayen yehbes uzbu seld tirzi n Lamir akked tnekra n Lhaġ ħmed Bey.

Mi tebda tnekra-ya, tceggæ Fransa igen-is deg wagur n yuct, maca war lfayda, syin yer-s rnan-d wiyad, armi uwden 5000 d umdan meqqren n lemdafæ.

Mi yettwaṭṭef Buziyan, cudden-as ifassen-is, mi s-nnan ad temteḍ yecmumeħ, yennayasen « Rebbi meqqr » « allahu akbar », dya nyant s ukuz n teldunin deg uqerruy-is, syin yer-s kkesn-as aqerruy-is i wakken ad rren wiyad aḍar, s userheb. Nyān dayen mmi-is, i yesean 16 iseggasen di leemer-is.

3.Tanekra n BuBEGHLA 1849

Bubeyla iga tanekra i yetṭfen azal n 5 iseggasen, seg useggas 1849 di Tmurt n Leqbayel, anda i yesfaæfaε acegu, ddan lyaçi yid-s. Yemmeslay-asen deg ulzuz (ssuq) n Ttlata Nat lġġer, anda i teħder Faḍma n Summer.

Yezdem Bubeyla yef Bgayet as n 10/05/1851, s yigen ideg llan 10000 n yergazen seg-sen imnayan. Yexdem inaw i lyaçi, yesedda-d deg-s kra n wawal (layat) n leqran, syin yer-s yumer-iten ad nnayan, i wudem n Rebbi.

Seg wayen i sen-yenna : « Lħamdu lillah weħd-s, a wid yumnen s Rebbi akked yimceyyaε-is, usiy-d ad d-ssukes-ay tamurt seg yifassen n yimasiħiyen,akwit-d heggit iman-nwen i lġihad.

Yessaweḍ Bubeyla ad yerr Tamurt n Leqbayel d timeqbert i waṭas n yimeqqranen n yigen afransis d yiserdasen-is, ikemmel ṭṭrad armi yettswana ass n 26/12/1854, yettwaṇtel di Tezmalt.

4.Azbu n Faḍma n Summer

Faḍma n Summer tlul deg useggas 1830, di twacult tamrabeḍt, di taddart n Werġa, i d-yezgan di Σin Lħemmam (Micli), teḍfer tareħmanit, mi yesseqqray baba-s tasreḍt, tella tsel seg tewwurt.

Teḍfer abrid n Rebbi, tettwassen s tuṭṭfa-s di tesreḍt, s tesnagt d tigzi, mi yemmut baba-s, teġġa taddart-is werġa truġ gher taddart n Summer, anda i yettili gma-s Tahar, tuyal tettwassen s yisem Faḍma n Summer.

tugi ad tezweġ, asmi itt-yefka gma-s ad tezweġ yer yahya Nat Ixulaf, tedda nnig lebyi-is, teqqim ħur-s agur, terra iman-is tesleb, dya yerra-tt-id gma-s Tahar, war ma yebra-yas urgaz-is. Tella tebya ad teffk tudert-is i umennuy mgal acengu Afransis.

Tella Teṭṭafar tidyanin i iḍerrun di Tmurt n Leqbayel, imenyi n Tadmajt s Imendad n Lhaġ Σmer Ben Zaemum mgal iserdasen n umnekcum afransis, s Imendad n Jiniral Bugeaut deg useggas 1844. Teqqel ččawaren-tt di yal tamsalt.

Tezra dayan anekcum n Yirumyen yer Tizi uzzu gar 1845 d 1846,

Temεawan akked Si Muḥamed Lhacimi, i yellan d amrabeḍ, yetteki di tnekra n Bumaεza di temnaḍt n Dahra 1847, irwel-s seg lḥebs, yerra yer Tmurt n Leqbayel.

Di tallit-a, tban-d tikti n Lmehdi ara d-yasen ad d-yessukes agdud si ccedda ideg yella i yettidir. Iyellaten Sseddan imenyi mgal amnekcum s wallal n temeamrin. Deg useggas 1850, temεawan Faḍma akked Bubeyla, i ixedmen tanekra, yusa-d seg tmurt n Babur, xedmen lwaḥid kra imenyiyen.

Imenyi amezwaru ideg tettekki, yella-d deg Tewrirt n Tmesgida, akked Bubeyla, anda i xedmen azbu meqqren, maca seg wakken acengu yesεa ugar n yemrigen d yiserdasen, Faḍma tenseḥ Bubeyla ad jebden iman-n sen yer tudrin.

Tajmaεt n taddart Summer tεayyen Faḍma akked gma-s Si Tahar, i wakken ad sseddun imseblen, i d-yettasen si laεrac-nniḍen n ġerġer seg-*sen :AT Yiraten d Yilula Umalu.

Imenyi amezwaru yedra-d di Tezrut i iqerben yer Σin Lḥemmam, yettef 2 waguren yunyu d yulyu 1854. Ifuk s tirzi n ucengu arumi, umi yettwanya azal n 800 iserdasen seg-sen 56 n yimeqqranen n yigen

Deg useggas 1857, ssawḍen Irumyen s Imendad n Marical Randon ad ṭṭfen At Yiraten seld imenyi n Yicerridn, i d-ijemεen akk Tamurt n Leqbayel n ġerġer. Tsiley Faḍma azbu di Texliġt Nat Σattu yer tama n Tirurda.

Tkemmell Faḍma azbu-ines mgal acengu, anda i tga aṭas n tnezmagin yef yiysuren n yirumyen, tessawed ad d-ḥelli tirennawin. Syin akin acengu yessuter tallelt si Paris ama d iserdasen ney d imrigen, d aya i yeggan Faḍma ad twexxer yer Texliġt Nat Σettu, i wakken a theggi iman-is akken i iwata.

Deg lawan-a, tessawed Faḍma ad tessiley tirebbaε n yinazbayen uwten acengu si sdeffir, gezment iberdan fell-as. Daya i yesheslen iserdasen irumyen, seg wakken ulac ansi ad sen-d-yefk umεic d wayen i ḥwaġen.

Mi uwđen yisallen yer yigen afransis di Qsentina, yef lħers i texdem Fađma yef yiserdasen Irumyen di Tmurt n Leqbayel d tirzi-nsen dinna, ihegga-d Jiniral Randon tanezmert taserdasit deg-s 45000 n yiserdasen s Imendad-is, tħfen-d abrid-nsen yer At Yetturar. Ma d Fađma tella tesεa 7000 n yimseblen d kra n lخالat.

Asmi i d-yedra tħrad gar sin n yidisan, tezwār Fađma sdat n yimseblen s yiselsa izeggayen, i yeskecmen tugdi d rrehba deg ulawen n Yirumyen. Yedra-d uzbu qessiiħen si tama n Fađma d wid yellan yid-s, maca ur ssawđen ara yer lebyi-nsen acku ugaren-ten Irumyen deg yiserdasen d yemrigen, d aya i yeğğan Fađma ad tessuter seg Yirumyen ad d-yili ustag d uneħbus n tħrad.

S wakka twexxer Fađma yer Texlliğ Nat Σettu, syin akin tceyyee yiwen ugraw, i wakken ad yesteg, ad yemmeslay d Yirumyen, maca mi d-ffyen si temnađt ideg llan đefren-ten-id iserdasen Irumyen tħfen-ten, syin yer-s yumer Randon ad gen lħers yef Texliğt Nat Σettu, ssawđen ad tħfen Fađma akked kra n lخالat i yellan yid-s.

Seg wakken Irumyen ugaden ad tekker tegrawla-nniđen, wwin Fađma akked 200 n lخالat d warrac yer temeammert n Beni Sliman di Tablat, anda i teqqim armi temmut deg useggas 1863 mi temmut seld akraf-is, di laemer-is 33 iseggasen, tettwanłel di tmeqbert n Sidi Σabdellah, i iquerben gher timeammert, armi d aseggas 1995 mi saawđen nettlen-tt di Lεalya. Semman-as Irumyen Djan Darc n ġerğer, maca nettat ur teqbil ara isem-a, textar isen n Xawla n ġerğer, i yellan d tineslemt tamjahedt, yettlusun iselsa n umnay, tella tettnay yer tama n usaħabi Xaled Ben Lwalid.

1.Seg yilmeżyen Izzayriyen d Yitri n Tferka Ugafa yer Ukabar n Uyref Azzayri

Tazwart

Di tasut tis 19, yexdem ugdud azayri azbu s yemrigen, amedya : tanekra n Lamir Σabdlqader, ħmed Bey, Bubeyla d Fađma n Summer d tnekra n 1871...maca ur yessaweđ ara ad yessufey tamhersa.

Asmi tekcem tasut tis 20, ibeddel umennuy, yeqqel s talwit d tsertit (tidukliwin, ikabaren d yiyminen...)

1.Tidukla n Lezzayer tilemzit

Di ttrad agreylan 1ru, ačas n Yizzayriyen i tewwi Fransa yer tmurt-is, i wakken ad nnayen mgal icenga-s yecban Lalman, ma d wiyađ tewwi-ten ad xedmen di luzinat. Asmi ifuk ttrad-a, sfaydin-d ačas n tyawsin, mxalađen d leğnas-nniđen, wwin-d tirmi, deg unnar aserdasi, yekkes-asen lxuf, ukin-d deg unnar asertan, imi zerren leqdic asertan i yellan di Fransa, anct-a akk yessaweđ, Izzayriyen ad ddsen ad seggmen iman-nsen.

Deg useggas 1919, iceyyee Lamir Xaled tabrat i uselway n Marikan Wilsonn, anda i d-yessegzi yir addad ideg yettidir ugdud azaayri di yal tayult, d lehqer i d-yellan fell-as, di taggara yessuter deg-s ad yesnes amenzay-is, i d-yeqqaren belli yal agdud yesea azref ad yesseddu lumur-is s yiman-is. Maca ulac tiririt, acku azref-nni yerza kan igduden n Lurup.

S wakka i yexdem Lamir Xaled tadukli n Lezzayer tilemzit di 23/01/1922, netta d kra n yimeyriyen seg-sen Zahir Ben Smaya d Yusfi ħmida. Tidukla-ya tella leqdic d lexdma meqqren i gan Izzayriyen yer tama n Fransa di ttrad agraylan 1ru, tella tessutur dayen tukksa n yisudaf imesbařliyen,tebya ad d-beggen tessutur asemsawi d leedel gar Izzayriyen d Yirumyen, yella yessutur tilelli n yinejmuæen, d tyamsa, d walluy deg yimukan-nsen n lexdma, attekki-nsen deg useqqamu ayelnaw afransis, tilelli tiyurimin.

Seg wakken aṭas n leqdic i yexdem Lamir, tenfa-t Fransa, deg useggas 1923 yer Suriya, s tmentelt belli ixeddem leqdic mgal Fransa.

Deg useggas 1924, mi yetṭef Herio amkan aqerru n yineylafen, i yellan seg uzelmaḍ inemlayen, yesfallet i wayen yelhan, d ubeddel n waddad n ccedda ideg ttidiren Yizzayriyen, iceyyee-as tabrat ideg ad naf tineqqiḍin-a :

-Leedel deg yigensasen n umni afransis gar Yizzayriyen d Yirupiyen i izedyēn di Lezzayer Tukksa n yisudaf usligen.

Asemsawi deg yizerfan d wayen i d-yewwi fell-asen ad txedmen, deg lxedma taserdasit

-Alluy n Yzzayriyen deg yimuhali iḡurimen d yiserdasiyen

-Aḡettem n uselmed yef Yizzayriyen d tlelli n ufran n ssenf n uselmed .

Tilelli n tyamsa d unejmuε

-Asnas n beṭṭu gar tasreḡt d uwanek afransis.

Tukksa n lqid əyef yimeḡbas, d usaruf yef wid yettwanfan

-Asnas n yisudaf imettiyeen d wid yerzan ixeddamen yef Yizzayriyen

-Tilelli i Yizzayriyen yef rwah-nsen yer Fransa.

S wakka yerza Lamir asalu, imi ilul-d n Yitri n Tferka Ugafa 1926, rran-t d aselway n yisey fell-as.

Deg useggas 1926, sbedden kra n yiminigen di Fransa yiwet n tidukla, semman-as, Itri n Tferka Ugafa, i wakken ad nadḡen yef yizerfan n yixeddamen n Tferka Ugafa (Lezzayer, Tunes d Marrok).

Seg wid yellan deffir usebdeɗ n tidukkla-ya ad d-nebder Raḡef Belqasem, Burnin, Ifur Σmer, Imac Σmer rran yef uqerruy-is Messali Lḡaḡ i wakken ad sefken udem ayelnaw, akked Lamir Xaled d aselway n yisey yef wayen akk i yexdem.

Gar 10 d 15 furar 1927, yeḡder Messali Lḡaḡ deg ugraw agraylan mgal tamhersa i d-yellan di Bruksel, anda i d-yexdem inaw i yeqqen umeed d ahil n tidukkla-ya, dya seg wassenni yuḡal d akbar yesεa isuturen n lεajlan d wid ara yṭewlen.

-Isuturen n lεajlan :

-Tukksa n usaḡuf n yinasliyen akked yisudaf usligen

-Asaruf yef yimeḡbas d yimenfiyen

-Tilelli n ucali yer Fransa.

-Tilelli n tyamsa, leqdic n tdukliwin, inejmuεen d yizerfan isertanen d tdukliwin n yixeddamen.

- Afran n umni ayelnaw azzayri.
- Tukksa n tyiwanin ixelçen s tiyaç ara d-yilin s tefranin
- Azref i yal azzayri di twuriwin n leamma war amgired
- Aselmed s taerabt, d waggad d deg uselmed yer akk iswiren.
- Asnas n yisuçaf imettiyen n yixeddamen.

Isuturen isertanen :

- Timmument n Lezzayer
- Tuffya n yiserdasen ifransisen seg Lezzayer.
- Asiley n yigen ayelnaw, anabaç ayelnaw, amni s tefranin, tefranin di akk iseqquma, taerabt d tutlayt tunsibt.
- Ad d-tefk Fransa akk lbankat, lminat, timacinin dwayen akk i tewwi.
- Tukksa n tferkiwin i wwin imhersen, s ddræ d yiyil, d uqader n tferkiwin timezyanin d tlemmasin.
- Aselmed baçel di akk iswiren n uselmed.
- Astaeref n uwanek azzayri s uzref n tdukliwin n yixeddamen, inejmueen, isunduden
- Tallelt i yifellaçen, d umuddu n yedrimen war lfayda i lbiç n tmacicin.

Asmi yeqqel Yitri d akabar, Itunsiyen d Yimerrukiyen jebden iman-nsen, acku nutni sean ayagi di tmura-nsen, maççi am Lezzayer ur nesei ara azref ad sbeden ikabaren. Swakka yeqqel d akabar azzayri.

Gan ayimis semman-as « L-içdam » yessefham, yezzuzur tikiwin n ukabar.

Deg useggas 1929, mi twala Fransa leqdic meqqren n akabar-a, thebs-it. Yuçal iqeddec s tufra s yisem, n Yitri amanag, ssufuyen-d yiwen uymis « aylan », yessufuy-it-id lmac Σmer.

Iban-d umgired gar Messali d lmac yef tumast ara teçfer tmurt, lmac yessuter ad fken adeg i tumast n tmaziyt i wakken ad tesçu azal-is am nettat am taerabt, maca Messali ur yeçbil ara.

Tenfa Fransa Messali yer Genève deg useggas 1936, anda i yemlal Cakip Arslan, yewwi-d yur-s ugar n tikiwin n tieurrebt ; asmi d-yuçal yemgarad ugar akked lmac.

Deg wass 02 Γuct 1936, yusa-d messali lhadj yer temdint n lezzayer, anda i d-yexdem yiwen n yinaw (discours), yessigzi-d deg-s ahil n ukabar-is, yeffey-d mgal asenfar (projet) blume-violette n useggas 1935 (tayelnawt (nationalité) tfransist i 21 agim (alef) n yizzayriyen, aseggem n tfellaçt...), acku asenfar-a n temharsa isawal yer temsertit (assimilation) gar yizzayriyen d yirumyen.

Deg wassn 26/01/ 1937, tekkes Fransa akabar-a n Yitri Amanag, s tmentelt (ssebba) belli yeffka afus n tallelt i yinaziyen. maca ieggalen-is ur brin ara i t̄tbel deg waman, imi sbedden akabar-nniḍen, umi semman « Akabar n Uyref Azzayri ».

2. talalit n Ukabar n Uyref Azzayri

Yettwasbedd ukabar n uyref Azzayri ass n 11/03/1937, ibeddel kan yisem n ukabar n Yitri, maca ahil-nsen d yiwen, ikemmel asuter n timmument n Lezzayer, d tririt n tferkiwin n l̄hubus.

Deg ukabar-a, ur yetteki ara lmac amar, i yellan di Fransa, rnu leqdic ukabar-a yella di Lezzayer, am netta am ukabar n Yitri i d-yeskecmen leqdic-is yer Lezzayer 1934. Deg ukabar-a, iyellan d akemmel i ukabar i ieddand, ad naf ahil ideg llan isuturen n l̄ejlan d yisuturen n yimal (avenir).

*isuturen īejlen :

-asnas (application) n yisudaf inmettiyen (tilelli n tyamsa, lxedma d yizefan n yuxeddamen izzayriyen...)

-beṭṭu gar tsertit d tesreṭt.

-tiririt n wayla n l̄hubus.

*iisuturen n yimal :

-timmument n lezzayer

Deg useggas unbir 1938, ikecme-d ukabar-a yer lezzayer, yesseday-i t ccix l̄eamudi, i yuran ass n 17 yunyu 1939 yiwen umagrad (article), yessegza-d (yesfehme-d) deg-s ahil n ukabar di kraḍ n tneqqiḍin :

-tifranin timatutin ara yeffken i ugduḍ azzayri ineslem tagnit ad yessenfali (exprimé) ayen yebya.

-āeeyyen n umni (parlement) azzayri s tefranin.

-amenzay (principe) n usl̄elli (libération).

Ssuffyen-d yiwen uymis s uzwel « ccaeb » (agduḍ), yesselḥaw-it mufdi zakaria. Deg useggas 1939 asmi yekker t̄t̄rad agraylan wis 2 tekkes Fransa akabar-a, s tmentelt n tugdi anda i d-derru tegrawla syur akabar-a

Amussu amaziy gar 1945 d 1962

Tazwart

Ma yella deg yiseseggasen 30 asmi d-ilul ukabar n yitri n tferka ugafa, yella-d leqdic asertan ama di fransa ney di lezzayer, maca yella-d umgired gar messali d yimeynasen n tumast tamaziyt seg-sen imache amar, tella-d dayen tukksa n ukabar n yitri n tferka ugafa, syin yer-s akabar n uyref azzayri. Asmi ifuk ttraḡ agarylan wis 2, yuḡal-d leqdic n umussu ayelnaw akked umussu amaziy sdaxel-is s lḡehd.

1.imaziyen-iyelnazriyen gar 1945 d 1962

Gar iseggasen 1945 d 1962, flalin-d kra n yilmezyen imeynasen, yekkatn yef tmaziyt, llan ttekin yakan deg umussu ayelnaw d ieggalen n ukabar azzayri ppa, xedmen imseyret (hymne) s teqbaylit. Deg 23 yennayer 1945, mohand ou yidir ait amran, i yellan d anelmad di tesnawit n ben eeknun, yexdem yiwen n yimseyret s teqbaylit yef tmurt, s uzwel « kker a mmi-s amaziy », ibder-d deg-s masinisa, yugurten, kahina d messali, yessgra-t-i d s tiyri yer umennuy i uslelli n lezzayer. asmi d-tban tezyent n tmaziyt 1949, ait amran yekkes isem n messali seg yimseyret-a.

Imseyret-a yuy akk timnaḍin n lezzayer ladya tamurt n leqbayel, lemden-t yiskutiyeen, izzayriyen ufan deg-s tumast-n sen i yeqqen di tterf atas n leqrun.

Atas n yidrisen i yettwaru syur kra n yimeskaren :

-laimeche ali, ait amran, hocine ait ahmed, mohand said aiche d tahar ouseddik. Tasleḍt-n sen llan deg-s sin n yisental :

1.tayelnazrit d timmunent, llan ttuyalen yer wansay n uzbu (résistance) mgal aberrani, ssawalen yer yimenyi s yiḡil, seg yidrisen-a ad d-nebder :

“tura qrib ad nennay (hocine ait ahmed).

“a yilmezyen begset (said aiche)

“ a yilmezyen kkert fell-awen (laimeche ali).

2. asentel wis sin d tumast tamazrayt tamaziyt n Imeyreb (tamazya), deg yedrisen ad naf asefel n yakk yesεan assay d tgemmi (patimoine) n tmaziyt ladya taqbaylit : masinisa, yugurten, kahina, inazbayen iqbayliyen n 1857 d 1871, tamurt n leqbayel, ḡerḡer (mont ferratus) adrar nwuzzal (yeqqel udrar d azamul n uzbu, icerriḍen, nnif n leqbayel, tajaddit, imaziyen, taferka, tamaziyt, ma d awal n taerabt ulac akk lḡerraḡ.

Deg tazwara n useggas 1945, Ouali Bennai, yellan d aεeggal n tenmehla n Ukabar n Uɣref n Lezzayer n Leqbayel Umalu, yettwaeɣeyyen ad yezdi d yinelmaden n tesnawit n Ben Σeknun (tuget deg-sen n Tmurt n Leqbayel), dɣa yurar tamlilt (rôle) deg usaki n Yimaziɣen d tuyalin ɣer tɣemmi (patrimoine) meqqren d tumast tamaziɣt.

Di teseqqamut (comité) n tudsa n ukabar n uɣref azzayri (PPA), Ouali Bennai, yellan d amasay (responsable) n (PPA) di Tmurt n Leqbayel, yessuter asdukel n snat n temnaɗin n Tmurt n Leqbayel (summam d ġerġer) deg yiwet, maca tanmehla n ukabar tegguma aɣbel-a yuɣal-d ačal n tikkal almi tekker tegrwla n lezzayer.

Deg wass n 16 Magu 1945, seld ulɣu i d-yessuffeɣ Ukabar n Uɣref Azzayri « PPA », i issutren asewġed n yiwaziwen i wakken ad xedmen tanekra di Tmurt n Leqbayel Umalu, i wakken ad tifsust tækkumt ɣef usammer n Tmurt n Leqbayel seld asateɣ (répression) i texdem temhersa ɣef usammer Azzayri seg mi bdant tedianin n 08 Magyu 1945 di Sṭif, Galma d Xerraṭa. rray-a yeffeɣ-d send agur ɣef ukayad n (BAK), llan semmus n yinelmaden i iqeblen :

Amar Ould Hamouda, Ali laimeche, Omar Oussedik, Said Chibane, semḥen di leqraya-nsen d yimmal-nsen, ṭṭaxren seg tesnawit n ben Σeknun i wakken ad kecmen s imenɣi di Tmurt n Leqbayel s lmendad n Ouali Bennai, taceɣlit-nsen (mission) d aheggi n yilmeɣyen d wid i izemren i tnekkra ara yilin ass n 22 magu 45.

S wakka laimeche ceɣɣent ɣer larebea n at yiraten, bennai ɣer iεeɣɣugen, tahar oussedik ɣer tigzirt-delles, ould hamouda ɣer ein lhemmam ma d chiban ceɣɣent ɣer mecdallah. S wakka d nutni i d imezwura deg usewġed i yimenɣi deg ukabar n ppa.

Ass n 22 magu, tanmehla n ppa tekkes taɣtest (décision) n tnekkra, d aya i d-yessggran zeaf n yilmeɣyen-a akked wid yeɣran, ladɣa tamnaɗt n makuda, ma yella d tadbelt tafransist s lmendad n lqayed ait ali, tebda asateɣ d lḥers, war ma nettu aɣen i xedmen iserdasen irumyen, imerrukiyen d yisinigaliyen.

Seld asateɣ n tedbelt tafransist, kra n yimasayen (responsables) n temnaɗt n leqbayen n wadda, seg-sen mohamed zerouali d mohamed bellounis, mlalen nutni d tedbelt n ukabar n uɣref azzayri, i wakken ad sudd (organiser) tidyanin n rrebrab, wwin-d ttriḥ (urag) war ma ɣran wid n tizi wezzu, d aya i yeġġan ineggura-ya ad agin talya-ya n yimenɣi, nnan-asen i yimasayen n ukabar, belli kksen tamasit ɣef yinalkamen (resultats) ara d-yeɣrun, s wakka yebda umgired gar tenmehla n ukabar n ppa di temnaɗt n leqbayel.

Asuter n yimenɣi s yiɣil sɣur imeɣnasen n leqbayel

Meyes46, amar khellil, i yellan d ameynas n ppa d aeggal n tenmehla n ukabar gar iseggasen 1939 d 1943, yettwakellef ad yessemliil gar tenmehla d tmurt n leqbayel, iga yiwet n tirza yer tizi wezzu, anda i d-yella unejmaε ideg ttekin :

Amar ould hamouda, mohand amokran khelifati, ali laimeche d hocine ait ahmed, mmeslayen yef ugnu (aybel) n tumast tamaziyt, yef wakken i d-yenna ait ahmed, ssutren ad yili yili uskasi (débat) yef taluft-a, ssutren ad ttekin di teytasin (décisions) n ukabar.

06 Tuct 46, tella-d tmettant n umeynas laimeche ali, s waṭṭan n tifuyid, yella d aeggal n ugraw imaziyen iyelnazriyen, yella d amasay n yiskutiyeen inselmen izzayriyen (sma di temnaḍt n leqbayel) d igiman (luluf) i d-yusan ad ḥeḍren tanḍelt-is di taddart-is icerēwen yer tama n tizi rached.

13 tuber, mi d-yuḡal messali seg tmurt n congo, igzem-itt di rray, ad yekcem abrid n tefranin n temaet tayelnawt tafransist (amni) (parlement), abeddel-a di tarrayt n umennuy yekka-d seg tezirt i yexdem umaray amatu n yijerrid aarab (ligue arabe) azzam pacha.

Ayagi yegla-d s zeaf n yiεeggalen iqbayliyen n ukabar azzayri, acku imeynasen-a byan tṭraḍ, deg yimaylayen-a (tignatin) i bdan imeynasen n tmurt n leqbayel umalu amahil i wakken ad d-jebden timnaḍin-nniḍen yur-sen, ssutren i messali ad d-iheggi agraw, ad naf ait ahmed iruḡ yer messali a yessuter aheggi n ugraw amagday s lemyawla.

10 unbir, i tikelt tamezwarut akabar n mtld amussu n talekt n tlelliyeen timagdayin, i yellan d akemmel s yisem-nniḍen i ukabar n uref azzayri ppa, yetteki di tefranin n umni (parlement). Tasertit-a ntefrani qeblen-tt nnig wulawen-nsen, imeynasen n ukabar. Ttwalin-tt akk imeynasen d abeddel agejdan, i d-yusan s lemyawla, d awexxer yef yiswi n ukabar, i yellan d asiyi d uceεεel n tegrawla.

Duḡenber, akabar n mtld igzem-itt di rray ad yexdem asarag (conférence) i yikataren (cadres) n ukabar, i wakken ur d-ttheyyin ara agraw, asarag-a yeḍra-d di buzerria, igensasen n tmurt n leqbayel i yettekin ad naf :

Belaid ait medri, omar oussedik, ouali bennai, hocine ait ahmed d sid ahmed, wigi nnan-d belli tamnaḍt-nsen ur tqebbel ara ad tettekki deg usirra (bureau) ayelnaw ntuddsa, ur ttarun ara ineqqisen, ur xedmen ara addaden inazrafen (Etat financier), alamma tbeyyen-d tenmehla n ukabar, azemz n ugraw. Wid yellan akk di tzeqqa wwten afus.

05 furar 1947, amar imache yeqqel-d yer tmurt, yeereḍ ad yerr deg ccek amelway (leader) messali lhadj, yura tabrat i yizzayriyen yettudiren di fransa, yewwet-d di messali d tikli-s,

maca aṭas n yimeynasen n ukabar ur ten-ḍfir ara, d anemgal'contraire) i yeḍran, ḥurbentula di temnaḍt n leqbayel.

15 furar, seg wakken akk timnaḍin n tmurt byant aheggi n ugraw n ukabar, messali yuḡal-d yer swab, yeytes (décider) ad d-iheggi agraw di belcourt.

Yal tamnaḍt tefka-d inesmugal (délégués), seg wid i d-tefka tmurt n leqbayel ad naf :

Ouali bennai, amar ould hamouda, belaid ait medri, amar ouamrane, amar boudaoud, omar oussedik, hocine ait ahmed dsaid oubouzar. Ttwaxedmen sin ineqqisen i uskasi (débat) :

-win n tseqqamut tayṣurt (centrale), teḍfer abrid n tefranin.

-wayeḍ n temnaḍt n leqbayel umalu, i iḍfren tasudest (stratégie) n tuffra d uheggi i tṭraḍ, wwten-d deg tseqqamut tayṣurt d tmehla i yesbedden akabar n mtld war ma cawren imeynasen n ukabar n uyref azzayri ppa.

Deg taggara n yimuhal (leccyal) iytes ugraw ad yeḡḡ akabar n uyref azzayri (ppa) ayagi :

- ad yeqdec s tuffra

-ad yesbedd tudsa tusligt (organisation spéciale)

-ad ikemmel ukabar n mtld (amussu i talekt n tlelliyin timagdayin) leqdic-is einani.

Wid yennejmaṣen ttun ur skasin ara taluft n tbadudt n tyelnazrit (nationalisme) tazayrit d unmekti (concept) « aylan » (nation).

Deg wayuren n furar d meyrès, seld (après) mi ifik ugraw-a, ad naf ukuḗ n yikataren (cadres) n temnaḍt n leqbayel, i iqadcen deg umussu amaziḡ, kecmen deg tseqqamut tayṣurt :

-Omar oussedik, d amēiwen n ahmed bouda.

-amar ould hamouda yeqqel d akatar (cadre) unnig n tudsa tusligt (spéciale) neḡ tuffirt l'os.

-hocine ait ahmed, d ayella n tudsa tusligt.

-ouali bennai, d amasay (responsable) n ukabar n umussu i talekt n tlelliyin timagdayin (mtld) di temnaḍt n leqbayel.

Yeffeḡ-d yiwen udlis syur mohan-chérif sahli, isemma-yas « izen n yugurten » s tefransist, yesnezwi-t-i d (difuser) ukabar amagday n umeskan azzayri (udma) n ferhat abbas, ma yella d akabar n umussu i talekt n tlelliyin timagdayin (mtld) isfatit (saboter) yesfery-it.

-1948 gar tiurrebt d timmuzya

Deg wayur n yulyu, ouali bennai iēerḍ-d tamehla n ukabar n umussu i talekt n tlelliyin timagdayin (mtld) d tedbelt tafransist, d 15 n yimeynasen n tmaziḡt d yimeynasen-nniḍen n (mtld), yer yiwen unejmuε (agraw) di taddart n arus di larebea n at yiraten seg-sen :

Ouali bennai, amarould hamouda, mohand ou yidir ait amrane, rachid ali yahia, said oubouzar, said ali yahia d sadek hadjres, skasin (débattre) snat n tlufa :

1-tiyita (taẓirt) (condamnation) n tsertit tamaynut n mtld, byar ad defren abrid n yimenyi (tṭraq).

2-tis snat d asekcem n tmaziyt yer tudsa n lezzayer seld timmunent.

Uran yiwen uneqqis, fkant i ouali bennai i wakke ad t-yesken i tseqqamut taysurt, ceyyeen mohand ou yidir ait amrane i wakken ad yemlil netta d mouloud mammeri i wakken ad d-yili umahil yef tutlayt tamaziyt.

-unbir, ali yahia rachid, yellan d anelmad n yizerfan di paris d ameddaken n bennai, d aεeggal i iqedcen atas deg ugraw n yimeynasen n tmaziyt, fernen-t deg tseqqamut n tfidiralit n ukabar n umussu i talekt (mtld) di fransa.

Di taggara n useggas 1948, akabar n umussu i talekt (mtld), yessufeγ-d yiwen zmam deg-s azal n 50 n yisebtar s uzwel « asmekti i tudsa n yiylanen yedduklen (onu) », yebda-t s tefyirin-a : « aylan azzayri d aerab d ineslem yella seg tasut tis sa 7 ».

Ayagi yesserfa imeynasen n tmaziyt, acku yettwanker umezruy aqbur n lezzayer, amezruy n yimaziyen (masnsen, sifaks d yugurten...

-tennejmaε tseqqamut n ukabar n u umussu i talekt (mtld) s tuffra deg zeddine (ein ddefla, i wakke d mmeslayen yef uεeddi yer tṭraq.

Tamehla n ukabar tewsed s yiwet n tallelt (lemεawna) tanazraft (financiere) i tmesyiwet (achat) n yemrigen d useghed n tudsa tusligt (l'os), imeynasen n temnaḍt n leqbayel ttwalin belli tṭraq ilaq ad yedru, maca yiwet n tezyent tecceel deg ukabar..

Tazyent n tmaziyt n useggas 1949 : lezzayer tazayrit neγ lezzayer taεrabt-tineslemt

Deg wagur n meγres 1949, ali yahia rachid, i yellan d anelmad n yizerfan di paris, d aεeggal n tseqqamut n tfidiralit n ukabar n umussu i talekt (mtld), yessawed s tefranin ad yesεeddi tikti i d-yeqqaren « lezzayer d tazayrit » seg tama-nniḍen ur tεedda ara tikti i yettwalin lezzayer « d taεrabt d tineslemt », fyen-d 28 n leswat yef 32 i lfayda n lezzayer d tazayrit.

Kra imasayen n ukabar ttwalin tikti n lezzayer tazayrit d tikti n temhersa tafransist, ait ahmed yeffey-d mgal tfrant-a.

Deg 15 yebri, seld tafrant-a, tamehla n ukabar twala belli tafidiralit n ukabar di fransa ttfen-tt imeynasen n lezzayer tazayrit, s wakka tefka urag (lamer) i mbarek filali ad yessemres i yıl, ad yettëf tizeywa n fidiralit, ad yezzuzzer alyu i d-yekkatën deg yimeynasen n tmaziyt.

Deg wakud-a, radjef belkasem i yellan d ameynas n yitri n tferka ugafa, d aeggal n tseqqamut n tfidiralit di fransa n larebea n at yiraten, yesnejmae-d taseqqamut n tfidiralit, fernen tikti-ya : asenqed di tuccda tasetant n tseqqamut n tfidiralit, ffyen-d 12 n leswat byan-tt, ma d 13 ugin-tt.

Seld agmuḍ-a, yemlal radjef d kra n yimeynasen szg-sen :

Dr chaouki mostefa d sadok saidi, seg tmurt n leqbayel, tceyyeε-iten tmehla n ukabar seg lezzayer i ferru n ugnu-ya, ad kksen tafidiralit n ukabar di fransa, seg yifassen n yimeynasen n tmaziyt, ewlen ad suddsen aggayen (tirebbaε, groupes), i wakken ad ḥudden iman-nen seg yifassen n yimeynsen n tmaziyt, yewweḍ uttun n taggayin-a 70 n yergazen.

Kkren imennuyen gar sin yidisan yef tuṭṭfa n tzeywa n tfidiralit, ladya deg yisunen (arrondissements) n paris.

Dag wagur n yebrir, iḥulfa ali yahia rachid s umihi (danger), yessuter tallelt syur ouali bennai, i yellan yettwaṭṭef yakan deg usagen n wehren syur tamsulta (iyallen n laman), tadyant-a, tḍefer-itt tuṭṭfa n waṭas n yimeynasen d yimasayen n tmurt n leqbayel seg-sen :

Omar boudaoud (d amasay n tudsa tusligt ddi bgayet) yewaṭṭef di beyliya, said oubouzar (d amasay asertan di tizi wezzu), yettwaṭṭef deg lezzayer, amar ould hamouda (d amasay n tudsa tusligt, d aeggal n tseqqamut taysurt) yettwaṭṭef di lezzayer.

Sneetaben-ten aṭas, anect-a yessawed imeynasen n leqbayel ad cukken deg yimḍebren n ukabar belli fkan afus deg wayen yeḍran, meawanen akked temhersa. ttwalin-ten imeḥbas-a, d wid i iḍfren timmuzya, d wid i yesmuqulen kan tamnaḍt-nen (régionalistes), llan mgal tayelnazrit (nationalisme), d aya i ten-yeḡḡan ad ten-sṭixxren merra seg ukabar, dya yehdayasen ait amrane tazlit deg wagur n ctenber 1949, isemma-yas « seg lezzayer yer tizi wezzu ».

Deg wagur n yulyu, 22 n yimasayen n tmurt n leqbayel, nnejmaεen di ezaḡga, akk tamnaḍt n leqbayel tesεa igensasasen, i wakken ad mmeslayen yef uybel n tumast tamaziyt, aṭas i iṭṭaxxren seg ukabar di temnaḍt-a.

Said ali yahia d anelmad yura yiwen uneqqis (rapport) i messali, wwin-as-t kraḍ n yiεeggalen : abdelkader ait sidi aissa, cheikh mohand ouameur d messaoud oulamara, iweeḍ-iten messali ad asen-d-isiwel i wakken ad d-afen tifat i uybel-a.

Krađ n yinelmaden wigi d : sadek hadjres, mebrouk belhocine d yahia henine, d iεeggalen n tseqqamut ntira n uymis « el meghreb el arabi » (Imeyreb aεrab), uran yiwen umagrad semman-as « l'algérie libre vivra », ɣur wigi, aɣlan llan deg-s ukuz n yiferdisen (éléments) : Akal, tadamsa, tnellayt (mentalité) d yidles, amezruy d lebyi i wakken ad idiren yiwen immal (avenir).

Fkan tiririt i wid yebyan tieurrebt, belli xas llant snay n tutlayin deg lezzayer, ad yili umsefhem d umtawa (entente), rnu belli ayagi d aybalu n tbuyar, bynnen-d belli amezruy n lezzayer d win yellan send (uqbel) ad d-iban lislam.

Deg wass 18 n wagur Γuct, ferhat ali (yemgarad netta d messali d ameynas n ukabar n umussu i talekt (mtld) di tizi racid d ameddakel d yimeynasen n tmaziyt tyelnazrit) yettwwet syur krim belkacem s uldun (rrsas) llan akked krim wiyad : hanafi fernane d akli djefal, i yellan ddan yakan akked tmehla nukabar seld tazyent n tfidiralit n ukabar n umussu i talekt (mtld) di fransa.

Γef wakken i d-yenna hocine ait ahmed, ferhat yugi tasnareft (dictature) n yiyellaten, i yesɣxren aggay n leqbayel.

Azekka-nni, ayms « l'echo d'alger » (taylayalt n lezzayer), yessufey-d amagrad s uzwel : « iεeggalen n ukabar n uyref n lezzayer-amussu i talekt mtld, byan ad d-xelqen akabar n uyref azzayri (ppk).

20 Γuct, seld mi yettwayra umagrad-a, inelmaden imaziyen-iyelnazriyen εawlen ad ceyyeen ali yahia rachid ɣer ferhat ali, i wakken ad d-ssegzin agbur n umagrad-nni, i yettwarun fell- asen. Ayms « echo d'alger » ur sen-yeğgi ara.

Yessuffey-asen-d uymis « alger républicain » amagrad-nsen, nnan-d deg-s : « werğin yella ur yettili ukabar n uyref azzayri (ppk), acku agdud azzayri yiwen xas azar-s d tutlayin-is mačči yiwen, imdanen ttidiren di tegmat, dduklen byan akk aslelli ayelnaw.

Lezzayer mačči d taεrabt mačči d tamaziyt ad tili kan d tazayrit, di tmurt-nney akk iferdisen n tgemmi-nney (patrimoine) yedduklen stahlen leqder d tneflit (développement), lezzayer d tazayrit ».

Adris-a,d alyu amezwaru n umussu amaziɣ i yizzayriyen di lezzayer, yella d uffir sdat temharsa akked ukabar.

Seld mi d-yerra chaouki mostefai, radjef belkacem. Sadek saidi d embarek filali, tizeɣwa n ukabar di paris, nnejmaεen akk yimasayen n ukabar deg uyerbaz « errached » i wakken ad d-

ssegzin ayen yeḍran, s wakka sṭaxxren akk imasayen n umussu amaziy slid ait ahmed, acku yella tettnadi fell-as temsulta.

Γuct-ctenber, iceyyae ouali bennai tabrat i rachid ali yahia, yura deg-s : « d acu i yeqqel mrb ? (amussu n useqeed amaziy) (mouvement de rénovation berbère), yura-yas kraḍ n yiskilen mrb, asmi d-teyli tebrat-a gar yifassen n tmehla n ukabar, ssuffyen-d tiyaḍ, ferqentent i lqasmat n ukabar.

Tamehla tefhem tabrat-a d afakul (ttbut) n tidet belli tella tudssa tuffirt umi qqaren (amussu agrawliw amaziy) (mouvement révolutionnaire berbère), yesbedd-it ouli bennai, s awakka ssekren laraḡ d wawql mgal imaziyen, wwten deg timmuzya s leqseḥ.

Di tilawt tudssa-ya qqaren-as (amussu i useqeed n tmaziyt), ilul-d di ben eeknun deg useggas 1945, wwin-d awal fell-as deg ussan n tezrawt de garus deg yulyu 1948.

Ben youcef ben khedda, yemmeslay-d yef tebrat , i iceyyee omar ou seddik, i yellan di lḥebs n lezzayer, i ouali bennai, syin akin tṭfen-tt yimasayen n tmehla, temmeslay-d yef ukabar n uyref n aqbayli (ppk) i d-ibanen sdaxel n ukabar n umussu i talekt n tlelliyin timagdayin (mtld). Maca ayagi ur ileḥḥu ara d tilawt, acku bennai yettwaṭṭef sen ouseddik, ma d taluft n ppk d ayen i d-tesnulfa tyamsa tamhersant, anect-a yettbeyyin-d belli wid i ikerhe iamaziyen-iyelnaḗriyen, ur ḗrin ara tidet yef umussu amaziy.

Ctenber, tamehla n umussu i talekt n tlelliyin timagdayin mtld tceyyee inesmugal (délegués) yer yakk lqasmat n tmurt n lezzayer, i wakken ad d-wwten, ad cettmen deg timmzya, s wakka smersen akk allalen, rregmat, tiwḍin, win iceyyeen yer tyaret, yenna-yasen belli imeynasen n tmaziyt d imeddukale n temarsa.

Deg lezzayer ladiya bilkur, kkren yimennuyen gar waeraben d yimaziyen-iyelnaḗriyen, tewweḍ tedyant ula yer waeraben i yeddane d tikti n lezzayer-tazzayrit, tuget deg-sen n wehren.

Belaid ait meddri, i yellan d ameynas n tmaziyt, kksen-t seg tmasit-is rran deg umḍiq-is fernane hanafi.

Tuber, taseqqamut taysurt n umussu i talekt (mtld) tsawel i messaoud ou lamara, i wakken ad yemmlay yef ugnu (aybel) n timmuzya, yedda yid-s laifa ait waban d salem ait mohand mugren-ten yergazen-a :

Mustapha ferroukhi, rabah bitat, ahmed bouda d hocine lahouel (amaray amatu n umussu i talekt, aneggaru-a yettwali imeynasen n tmaziyt d icenga n tmurt, byan ccwal.messaoud ou lamara, yenna-yas belli d messali i tamentelt tagejdant n taluft-a i yettidir ukabar, seg dduurt-nni ulac tiririt syur messali.

Ben youcef ben khedda, yukez (yesaeref) belli lemmer i d-yella uskasi yef taluft-a, deg wakud-nni, sdaxel ukabar, talli ad yili usexdem n yiyil syur aeraben imeṭṭurfa.